

"EL CHINO TIMBALERO AJOEN BEK NA ARUBA"

E talentoso timbalero "El Chino Ajoen Chung" a regresa pa establece su mes back na Aruba. Ajoen den añanan '70 tabata hopi popular na Aruba tocando steelband pa "Jumping Jewels". E tempo nan ey steelband tabata hopi gusta, y Jumping Jewels hunto cu The Invaders tabata e dos gruponan di steelband mas popular na Aruba, tocando practicamente tur fin di siman den hotelnan. Ajoen tabata un di mas joven tocado di steelband na Aruba, y tabata ser admira pa hopi turista y tambe serka e localnan. Na edad relativamente joven e la cuminsa traha den Casino. Pero den su oranan liber e tabata toca pa e popularisimo "rock funk band" di Curacao "DOUBLE YOU AND TEA". E banda aki tabata asina gusta na Aruba cu nan a dicidi di establece nan mes na Aruba. Tambe Ajoen tabata duna shownan riba timbal, riba peticionnan di e puplico durante fiestanan di club. Na aña 1979 e la bay purba su suerte na Hulanda.

Na hulanda e tabata forma parti pa e banda "Poling & Company", cual tabata constituiti di mayoria ex intergran-tenan di Boy Dap y Great Power. Na aña '80 e la regresa Aruba caminda e la bay labora den casino, y ora cu tabata tin oportunidadnan, e tabata companja diferente bandanan pa shownan special. Na aña '85 e la bolbe bay establece su mes na tera friew caminda e la permanece pa seis aña. Durante su seis añanan e la forma parti y companja varios bandanan cu tabata hopi popular na Hulanda. Hunto cu e rockero

Lionel "Lainy" Antonette, Paul Reyes y Leo Dorcas nan a lanta un rockband y a cosecha hopi fama serka e juventud na hulanda. Despues e la bay dedica su mes mas den ritmo salsa. Como "freelancer" e tabata companja e conhuntonan di salsa, e.o. "Salsa Caribe, Salsa Maya, Trio Alegres y Cachito y su Cache". Den Cachito y su Cache e tabata forma parti cu musiconan hopi respeta manera Reno Steba, Gerald, Kenneth y Bobby Allee, cual nan a cosecha hopi exito den tur nan presentacionnan. Despues e la bay forma parti pa "T.C. and The playboys", cual grupo ta pertanec na e tremendo trombonista Arubiano TC Vrolyk. E la move hopi bon cu e grupo aki, y ta reconece cu e la haci un pifia, di cambia pa un otro grupo. E la move pa "The Friends" cual ta un agrupacion constituiti di mayoria intergran-tenan curasoleño. Den e agrupacion aki e tabata forma parti hunto cu e dos run.annan di Ompi Stefania, popularisimo ex cantante y bajista di "Doble R.S.S.". Tambe cu "The Friends" nan a graba un l.p. cu a cosecha hopi popularidad entre e Antianonan res- indencia na madre partia. Por ultimo e tabata forma parti pa e gran musico Arubiano di conservatorio Willy "Latino" Tjong a Yong, cual ta un grupo hopi respeta na hulanda. Cu tur e gruponan aki Ajoen a tour full rond Hulanda, Belgica, Francia, Spanja y Alemanía. Actualmente e ta studiando e posibildadnan pa por traha den dia y toca pa un banda local durante fin di siman. Sin duda cu tur Ajoen su exper-




riba grafico: r.p.d. AJOEN CHUNG, THOMMY THOMSEN, WILLY TJONG A JONG, IVAN MITCHELL, DIDI JONES, KENRICK GUNTER.

encianan como drummer y percucionista den bandanan grandi na Hulanda, e lo ta un

gran aporte cu su presencia den farandula aki na Aruba. DEN AMBIENTE ta desea

"EL CHINO TIMBALERO welkom thuis", y tur cos bon den FARANDULA.



E GALANNAN ANDRES.

E Galan di television Andres Garcia tabata di bishita na Aruba. E la bin pasa su vacacion y alabes habri aña nobo

na Aruba. E la hospeda den Costa Linda Beach Resort. DEN AMBIENTE no a logra

un entrevista cu e famoso actor aki. Den Ambiente a ricibi un tip cu e ta na Aruba, pero e tip tabata un tiki laat pa haci un entrevista, comokiera cu e tabata preparando pa regresa Venezuela bek. Tin rumoresnan cu e actor aki ta Mexicano, pero riba e


unico pregunta aki e la declara na DEN AMBIENTE cu e ta naci na Republica Dominicana y radica na

Mexico. Riba grafico nos por aprecia e actor galan Andres Garcia hunto cu su tokayo e deportista Andres Tromp.

E bebida
yen di energia
pa grandi y chiquito



Agente:
LICORES ARUBA N.V.



PROFESSIONAL
TATTOOS

Semper bo tabata kier TATTOO,
pero no tabata sa ken pa confia?

*Professional Design
*Safe & Steril
*Privacy

Traha bo appointment na TEL:36602